

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

**Meditationum evangelicarum pars tertia, hoc est:
Tractatio evangeliorum tam dominicalium, quam
festivalium, ad recte se sub variis tentationum generibus
gerendum, disposita**

Creide, Hartmann

Francofurti ad Moenum, 1682

De tertio

[urn:nbn:de:bsz:31-126133](#)

ratione illorum, neque uvas, neque ficus legere possis, Jer. 8. v. 13. unde Petrus eos vocat fontes sive aqua, 2. Petr. 2. v. 17. in quorum ore non est veritas, Psal. 5. v. 10. Sicut & experientia testatur, salutaris solatio illos catere, & præterire infirmos, ut Sacerdos & Levita, Luc. 10. v. 31. Et ut ipsi cauteriatam habent conscientiam, 1. Tim. 4. v. 2. & tandem absuntur a terrore, Ps. 73. v. 19. sic & illi, qui sequuntur illos, multiplicarunt molestos labores suos, Psal. 16. v. 4. Derelinquunt enim fontem aquæ vivæ, & foderunt sibi cisternas: cisternas dissipatas, quæ continere non valent aquas, Jer. 2. v. 13.

Ubi igitur hæc *κρίτης* inveniuntur, fugi eosdem, si amas salutem tuam, juxta illud 2. Cor. 6. v. 17. 18.

III. Ex Regni cœlestis præmio. Omnes enim qui voluntatem Patris cœlestis faciunt, intrabunt in Regnum cœlorum, h.e. in vitam æternam, quæ Regnum cœlorum dicitur, quia in illâ Deus, ut Rex imperiosissimus Magnificentiam suam potenter declarabit, & electos quoque suos Reges constituer, ut cum eo regnent mille annos, h.e. in æternum, Apoc. 20. v. 6.

Cum Regina Arabiæ Hierosolymam adventarer, magnam in admirationem rapietur de Regno Salomonis optimè constituto, dicens: Verus est sermo, quem audivi in terrâ meâ, de rebus tuis & super sapientia tua. Major est sapientia & bonus, quam rumor quem audivî &c.

Quantò plus nos admirabimur, quando Regem in decore suo videbunt oculi nostri, Esa. 33. v. 17. Quia non modo videbimus eum: sed quotidiè stabimus coram ipso, & sedebimus cum eo in throno ejus,

sicut & ille vicit, & sedet cum Patre suo in throno ejus, Apoc. 3. v. 21. O quantoper exultabimus! quando nos Dominus ita extollet, & loco spineæ coronæ, quâ nunc cincti sumus, coronam vitæ imponet, quæ in æternum non tolletur à nobis, Apoc. 2. v. 11. Joh. 16. v. 23. Illic verâ vitâ perfruemur, Sir. 48. v. 12. in cuius possessione ex animo lœtabimur, dicentes cum Davide: O Domine, misericordia tua super vitas, Psal. 63. v. 4. non enim ibi mors ultrâ erit, nequeluctus, neque clamor, neque dolor erit ultrâ, Apoc. 21. v. 4. sed abundantia gaudiorum in vultu Dei, & delectationes in dextera ejus in æternum, Psalm. 16. v. ult.

De Tertio.

RESTAT CAUTELA, quæ tribus absolvitur Regulis, ut sunt

1. Pseudo Prophetas fuge. Προσέχετε enim, ait Servator, subintellige τὸν νῦν καὶ ὅφελος, intendite oculos & animum, ne à Pseudo-Prophetis cum jactura salutis seducamini. Hoc verò fieri potest

1. Per studium veritatis, quando verbum Dei in doctrina & vita tanquam normam sequimur, illud non modo sedulò in templo audimus, sed & domi quotidie scrutamur, an ita se habeant, ut nobiliores Berthoënses, Actor. 17. v. 11. ita ut voluptas nostra sit in lege Domini, & in illâ meditemur die ac nocte, Psal. 1. v. 2. Prov. 2. v. 12.

2. Per studium simplicitatis. Nam scrutans graviat gravatur, Prov. 25. v. 27. qui verò simpliciter credit, nec curiosos est in mysteriis diuinis, sed in captivitatem

aaa 3 redi-

Dominica post VIII. Trinitatis.

redigit intellectum suum, ut Abraham, Rom. 4.v.20. optimè sibi consulit, & tutissima viā ingreditur. Quod enim jam nescimus, sciemus postea, Joh.13.v.7. cum venerit, quod perfectum est, & evacuabitur, quod ex parte est, 1.Cor.13.v.10.

3. Per studium pietatis. Sedulò Dominum invocemus, ut non modò det nobis illuminatos oculos cordis nostri, Ephes.1. v. 18. sed & contrà hereticos invocemus Dominum: Inventi sunt sermones tui & comedie eos, & factum est mihi verbum tuum in gaudium & lætitiam cordis mei, Jet.15.v.26. Psal.12.v.7.8.

4. Per studium sinceritatis. Quando penitus ab iis abstinentes, non abimus in consilium eorum, Psal.1.v.1. nec etiam libros eorum legimus, ubi sèpè sub verbis ambiguis venena sua occultant: sed eximus de medio illorum, Esa.52.v.11. obturantes aures ad colloquia eorum mala, quæ corrumpunt bonos mores, 1.Sam.15. v.34. ab impiis enim egreditur impietas, 1.Sam.24. v.14. Ideò vult Spiritus sanctus ut contemti sint in oculis nostris, Psal.15.v.4. nec ave eis dicamus, 2.Joh.v.10.

II. Bonos fructus ede. Hinc Servator: Omnis arbor bona fructus bonos facit: mala autem arbor malos fructus facit &c. Hic elegans simile ab arboribus desumptum nobis proponitur, quibus passim homines in Scripturis conferuntur, in specie verò David de vero Christiano ait: quod sit tanquam lignum, plantatum seclusus cursus aquarum, quod fructum suum dabit in tempore suo, Psal.1. v.3.

Ubi notetur

1. Comparatio, quæ est inter arborem, & Christianos.

1. Ratione decretionis, 1.Theff. 4. v.12. Eph.4.v.13.

2. Ratione erectionis. Phil.3.v.14. Col.3. v.1.2.

3. Ratione radicationis, Ephes.4. v. 14. Joh.14.v.6.

4. Ratione afflictionis, Job.12. v.1.

2. Plantatio. Comparantur enim non simpliciter arboribus: sed plantatis. Duplices alias inveniuntur arbores, nonnullæ sunt sylvestres, quæ sponte enascuntur, & fructus sylvestres producunt, his Christianus non confertur: Sed plantatis & frugiferis, quæ per verbum & Sacra menta à cœlesti hortulano irrigantur & fructuantur, ut sint arbores justitiae, & plantatio Domini, ut glorificetur, Esa.61.v.3.

3. Fructificatio. Arbor eo fine plantatur, ut fructus ferat, hoc si facit grata est: si minus, exciditur, & in ignem mittitur, ut fucus illa probat, Luc.13.v.6. Sic & Christiani gignant fructus suos, quilibet in functione, in quâ à Deo constitutus est, juxta illud, 2.Petr.1.v.5.

Olim in scholæ Atheniensis porta scripturn erat: *Arbores, ô homo, si sylvestris time, si campestris fuge, si hortensis gaude.* Quo ipso Praeceptores discipulis suis inculcabant, ut moribus rusticis depositis, in artibus & virtutibus se exercent, adeoque bonos fructus ferrent.

Quodsi Gentiles hi è solo naturæ lumen collustrati, virtuti operam dandam censuerunt: Quantò magis nos arboribus frugiferis nos assimilemus, omnem moventes rudentem, ut caritas nostra magis ac magis abundet, in omni scientia, & in omni experientia: ut probemus potiora, repleti fructibus justitiae per Jesum Christum, in glo-

gloriam & laudem Dei, Phil. 1. v. 9. 10. In id enim nos elegit Christus, & posuit nos, ut fructum adferamus, & fructus noster maneat, Joh. 15. v. 16. Nisi id fecerimus, aliquando dicetur: Succidite arborem, Dan. 4. v. 11. ut quid etiam terram occupat, Luc. 13. v. 7. Quinimodo, sicut Christus sibi arborem, in qua nil nisi folia inveniebat, maledictione impetebat, ut aresceret, Matth. 21. v. 19. Sic & illis maledicet die ultimo, qui quidem jam speciem habent pietatis, 2. Timoth. 3. v. 5. verum fructus Spiritus, qui Gal. 5. v. 21. enarrantur, non adsunt.

III. *Juxta voluntatem Dei vive.* Non enim omnis, qui dicit Domine, Domine, intrabit in Regnum cœlorum: sed qui facit voluntatem Patris mei, qui in cœlis est.

Voluntas Dei in Scripturis describitur duplex,

1. *Voluntas arcana*, ex qua voluntate Deus mundum non modo creavit, sed & quādū durare debeat, constituit, item quando Christus ad judicium venturus sit, hoc nulli creaturæ revelavit, Marc. 13. v. 32.

2. *Voluntas revelata.* Quæ iterum duplex:

1. *Voluntas omnipotentie*: juxta quam omnia, quæcunque vult facit, in cœlo & in terra, in mari & in omnibus abyssis, Psal. 33. v. 6. & huic voluntati ejus, nemo Angelorum in cœlo, nullus hominum in terra, & nullus Diabolorum in inferno resistere potest: sed quod Deus h. m. decrevit, fieri necesse est, nisi forte conditio addita sit. Quod locutus sum, adducam illud: cogitavi & faciam illud, Esa. 46. v. 11.

2. *Voluntas beneplacentie*, qua quomodo in nos affectus sit, & quid à nobis fieri velit, manifestavit. Hanc voluntatem suam in duobus libris nobis proposuit, nimirum in libro legis, & in libro Evangelij,

In libro legis voluntatem suam breviter declarat, inquiens: Diliges Dominum Deum tuum, ex toto corde tuo, & ex toto anima tua, & ex tota fortitudine tua. Deuter. 6. v. 5. & proximum tuum sicut teipsum, Levit. 19. v. 18. In his duobus mandatis, universa lex pendet & Prophetæ, Matth. 22. v. 37.

Quodsi igitur hic examen instituimus, facile deprehendimus, nos legem implere non posse: unde æterna maledictio locum haberet, Deut. 27. v. usq. Verum in libro Evangelii ostenditur solatium, dum Christus nos à maledictione legis sanctissimo merito suo, quod pro totius mundi peccatis præstít, redemit, 1. Joh. 2. v. 2. Hoc si verâ fide apprehendimus, certi sumus, quod nihil nos separare possit à caritate Dei, quæ est in Christo Jesu, Rom. 8. 38. 39.

Sed & dignè Evangelio Christi conversemur, Phil. 1. v. 27. & discedamus ab omni iniuritate, qui nominari Christiani à Christo volumus, 2. Tim. 2. v. 19. Hæc enim voluntas Dei, ut credamus in filium ejus Jesum Christum, Joh. 6. v. 40. hæc voluntas ejus, ut diligamus alterutrum, 1. Joh. 3. 23. Hæc voluntas ejus, sanctificatio nostra, 1. Thess. 4. v. 3. Summa: Indicabo tibi, ô homo, quid sit bonum, & quid Dominus requirat à te: utique facere judicium, & diligere misericordiam, & humiliter ambulare cum Deo tuo, Mich. 6. v. 8.

Quodsi ad perfectionem pertingere non possumus in hæc vita, tamen Pater cœlestis imbecillitate nostra contentus esse vult, propter Christum dilectum, in quo nos gratificavit, Ephes. 1. vers. 8. quin & imperfectam nostram obedientiam, quæ ex sincero corde proficiunt, ex gratia remuneratur est.

Qui

Qui enim voluntatem Dei faciunt, exaudientur, Joh. 9. v. 31. fratres Christi erunt, Hebr. 2. v. 11. & habebunt vitam æternam, Ioh. 6. v. 47. Ibi voluntatem Dei in summa

perfectione faciemus, servientes Deo, die ac nocte in templo ejus, Apoc. 7. v. 15. Quod Deus ex gratia nobis omnibus propter Christum largiatur, Amen.

DOMINICA IX. POST TRINIT.

Evangelium Luc. 16. v. 1 - 9.

EXORDIUM.

Vidit Vates Zacharias in visione virum, in cuius manu funiculus mensorum, quem cum interrogaret: quò tu vadis? dixit ad illum: Ut metias Jerusalēm, & videam, quanta sit latitudo ejus, & quanta longitudo ejus, Zach. 2. v. 1.

Hac allegoriè interpretanda veniunt. Vir, qui Prophetæ visus, est Dominus Deus noster, qui omnia dinumeravit & mensus est, Sir. 1. v. 9. quin adhuc hodiè metitur, non modò Jerusalēm, sed & omnium hominum verba & opera, imò & gressus considerat, Prov. 5. v. 21. normā mandatorum suorum, quæ nobis præscripsit, ut vitam ad eam componamus. Nam qui hanc regulam fecerint, pax super illos, & misericordia Dei, Gal. 6. v. 16. quod vero cum eâ non consentit, sed declinatio curvas vias peccatorum, Psal. 125. v. 5. aut ad dexteram, aut ad sinistram, Esa. 30. v. 21. est aëroplia, illegalitas, I. Joh. 3. v. 4. nec Deo placebit, Psal. 5. v. 5. Propterea aliquando dicitur: Redde rationem villicationis tuæ! Cuncta enim quæ sunt, adduet Deus in judicium, etiam omne occultum, sive bonum sive malum sit, Eccles. 12. vers. ult. ita ut etiam ratio ted-

denda sit, de quovis verbō otioso, Matth. 12. v. 36.

Sicut igitur Zacharias levavit oculos suos, & vidit virum, in cuius manu funiculus mensorum fuit: Sic idem & nos faciamus, ut cogitationibus semper intentissimus in eum, qui oculos suos nunquam non in nos conjicit, & accuratè observat, quid agamus, quid loquamur, quid cogitemus: nam & cogitationes nostras de longè intelligit, Psal. 139. v. 3. sic eò cautiū ambulabimus, Eph. 5. v. 15. & in æternum non peccabimus, Sir. 7. v. 40.

Id villicus non observavit, de quo in prælectâ Pericope dicitur: quod dissipaverit Domini sui bona: ex hâc ipsa causa quoque ab officio remotus.

Nos instituti nostri memores videbimus

- I. Triplicem Querelam.
- II. Triplicem Medelam.
- III. Triplicem Cautelam.

J. J.

Exegesis.

Sicut homines ab arancâ artem texendi, & à cornicibus, corvis & graculis do-